



نارنج وادستان

جلد ۶ ۱۳۳۶

مجموعه

برکون بیلنیر فیستی مجموعه مک اما
پاک چوق آرانیرا ورته ده مجموعه بولمنز

ایتدک شرف خدمت احداثی فراموش
آمارینه اسلافزک رغبت اولنیز

برکدادن فرقی یوقدر بی وفا دلبرلرک
جان ویرر ماشق اولان یار کرمکار اوغرینه
آهین برقله کار ایلر می افغان ایلک
قابل اولمز جوردن آتی پشیمان ایلک
کوکلیکی «رمزی» مقدر بویله نالان ایلک
هی نه مشکلمش «امیری» حانی قربان ایلک
قدر و قیمت بیلمین شوخ دل آذر اوغرینه

مکتوب

اقدم حضرتلری
هم فاضلانه لریله انتشار ایتکده بولتان - عثمانلی تاریخ و ادبیات
مجموعه سی - نك ۲۳ نجی نسخه سنده قبله لی زاده و صاف بك مرحومدن
بحث بیوردلینی صروده. بیوک پدرم امور ملکیه ناظری مرحوم پرتو
پاشایه هاند بعض وقایع تاریخیه دن دخی بحث بیورلمق صورتیله تاریخیه
فایت قیمتدار موافق حقیقت بر خدمتده بولنش اولمفلنگیز دوغریسی
شایان تقدیر و تشکرور .

کچنده محترم مورخلرمزدن محمد غالب و علی رضا بککله طرفندن
دخی (اون اوچنجی عصر هجریده عثمانلی رجالی) عنوانیله پیغام
غزته سنده نشرینه دوام بیوردقلری مقاله لردن بشنجی مقاله ،ینه پرتو
پاشا حقنده شمدی به قدر غیر مکشوف بر چوق وقایع تاریخیه احتوا
ایدیور ایدی که جداً موجب استفاده اولان اشو مقاله لردن دولای
کندیلرینه بالخاصه تشکر ایدرم .

بو عاجزلریده مشار الیه پرتو پاشانک ترجمه حاله هاند اولمق
اوزره جمع ایدم بیلدیکم بعض وقایع تاریخیه یی مجموعه والالریله نشر
ایدلک اوزره لفا حضور فاضلانه لرینه تقدیم ایلدم .

قولکنزك دخی بوبابده کی مقصدم تاریخه ر خدمتدن بشقه برشی
 دقلدر . مشارالیه برتو پاشانك مخدوملری پدرم جمال الدین و عموجهم
 شهاب الدین [۱] بککله کریمه سی [۲] خالام فاطمه جمیله خانم ایله برچوق
 سنه لر برلکده یشادیغمز کبی برتو پاشانك منسوبانندن قره قولاغی
 حسین افندی [۳] و توتونچی باشیسی اسماعیل افندی [۴] و قواس
 باشیسی موسی اغا [۵] و قهوه چی باشیسی خورشید اغا [۶] و مشارالیهک
 کوله لرندن سیاهی سعید افندی [۷] کبی ذواته یتشدیکم کبی رجال
 دولتدن مشارالیه یتشمش پک چوق ذواته ده ملاقی اولدیغم جهته بونلردن
 ایشیدوبده خاطرمدده قاله بیلان بعضی وقایعی و مأخذلری دخی کوسترلمشدر .
 واقعا شمدی یه قدر مشارالیهک له وعلینده بر چوق یازیلر یازلمش
 ایسه ده بوبابده بالحا که ویریله جک حکم وقراری ارباب مطالعه نک
 نظر تدقیق و تقدیرینه تودیع ایلر واشبو وقایع تاریخیه نک اگر موجب

[۱] برتو پاشانك بیوک مخدومی شهاب الدین بکک صوک مأموریتی عمود
 ندیم پاشانك صدارتی زماننده انتخاب مأمورین قومیسونی ریاستیدر و وفاتی
 ۱۲۹۸ سنه سنده در وایکنجی مخدومی جمال الدین بکک صوک مأموریتی ملقا
 مجلس والا مضبطه اوطه سی خلفانی در وارتحالی ۱۳۰۸ سنه سنده در .
 [۲] برتو پاشانك کریمه سی فاطمه جمیله خانم که - ۱۲۵۳ سنه سنده تارک جهان
 اولان قبله زاده مرحوم و صاف بکک زوجہ سیدر - وفاتی ۱۳۱۰ سنه سنده در .
 [۳] قره قولاق حسین افندی ۱۲۸۸ حدودنده وفات ایشدر .
 [۴] توتونچی باشی اسماعیل افندی پاشانك وفاتندن صکره ملکیه قائمقا -
 ملقلرنده کزر ، صلحادن وکبار قیافتلی فایت نطوق وایش ییلور برذات ایدی .
 وفاتی ۱۲۹۵ سنه سنده در .
 [۵] قواس باشی موسی اغا : پاشانك وفاتندن صکره ده باب عالیده قواس
 باشی اولدی وفاتی ۱۲۹۸ سنه سنده در .
 [۶] موسی الیه خورشید اغا پاشادن صکره بایزیدده کاغذجیلرده دکان
 آچهرق دکاننده قرطاسیه تجارتیه مشغول اولدی . کندی . سابق کوله لرندن
 و صلحادن بر ذات ایدی . وفاتی ۱۲۹۲ حدودنده در .
 [۷] سیاهی سعید افندی ! فاتح جوارنده طاهر اغا درگاهی پوستنشی
 اولدی . صلحادن و معریندن بر ذات ایدی . وفاتی ۱۳۰۰ حدودنده در .

تصحیح جهتلی منظور عالیری اولور ایسه آنکده تصحیحی لطف
سامیلرندن رجب یدرم . اقدام خضر تلی

۱۳ شباط سنه ۱۳۲۶ برتو پاشا خفیدی

محمد مطا

— مجموعه —

برتو پاشا مرحومت حفید عالیقدرلری محمد عطا بك افندیك
واقع اولان شوهرتلینه تشكرله مقابله بی وجیه دن عدا یلرم . فی الحقیقه
برتو پاشا ، عاكف پاشا مسئله لری تاریخمزده بر وقعه مهمه شكلی
المشدر . هراییكسیده بیوك آدم لر مزدن اولدینی ومتفقاً چالش دقلری
تقدیرده ملك وملت ایچون بك بیوك خدمته موفق اوله جقلری
دركار ایكن بوملكتك دها اوزمانلرده باشلیان سوء طالی ایجابند نمیدر
ویا خود کندیلرندن فساد مأمول اولیان بعض آدم لك خلاف واقع و
اینانیله جق بر صورتده واقع اولان القائلرند نمیدر نه در . بوا یکی ذات
عالیقدر بر برینه خصم جان اوله رق میدان آتلمشله نتیجه سی برتو پاشا
کبی بر بیوك دولت آدمك ضیاعی وبویله بر حاله سبب کورندیکندن
دولای عاكف پاشا کبی بر بیوك آدمكده اوفضل وهر فانیله برابر
نامقبلانه بر صورتده وفاتی انتاج ایتمشدر .

عاكف پاشا زمان حیاتنده برتو پاشا علیه غرض آلود اولمقله
برابر (تبصره) اسمیله ادبیات نقطه نظرندن قیمتدار بر کتاب نشرینه
ابتدار ایش، کتاب نتیجه واصل اوله دن اول برتو پاشانك اعدامی
وقوع بولمقله اكملدن صرف نظر ایتمشدر [۱] لکن برتو پاشا مرحومك
بوكتابه جواب ویرمه اعدامی مانع اولمشدر .

[۱] تبصره عاكف پاشا ، مكتب فنون حریه مطبعه سنده ۱۲۸۹

سنه سنده باسیلان (مبانی انشا)ك ایکنجی جلدینك ۱۰۸ نجی صفحه سنندن

۲۱۸ نجیسنه قدر اولان محایفنده محرر وموجودر .